



Til dagblaða, fréttastofa
og fjármálastofnana

Fréttatilkynning
27. maí 2009

**UNDIRRITUN SAMNINGA Í TENGLUM VIÐ
ÚTGÁFU RÍKISVERÐBRÉFA OG
VIÐSKIPTAVAKT Á EFTIRMARKAÐI**

Í dag var skrifað undir samninga hjá Seðlabanka Íslands í tengslum við útgáfu ríkisverðbréfa og viðskiptavakt á eftirmarkaði. Markmiðið með samningnum er að viðhalda aðgengi ríkissjóðs að lánsfé og efla verðmyndun ríkisverðbréfa á eftirmarkaði.

Frá 1. júní 2009 hafa fjórar fjármálastofnanir heimild til að kalla sig „Aðalmiðlara með ríkisverðbréf“. Þær eru: Íslandsbanki, MP Banki, Nýi Kaupþing banki og Saga Capital.

Helstu atriði samningsins eru þessi:

- Aðalmiðlarar hafa einir aðgang að útboðum ríkissjóðs.
- Aðalmiðlarar hafa einir aðgang að verðbréfalánum sem Seðlabanki Íslands veitir fyrir hönd ríkissjóðs.
- Aðalmiðlari skuldbindur sig til að setja fram tilboð í útboðum ríkisverðbréfa fyrir a.m.k. 100 milljónir króna að nafnvirði.
- Aðalmiðlari er viðskiptavaki á eftirmarkaði fyrir alla markflokka ríkisverðbréfa og setur fram kaup- og sölutilboð að lágmarki 100 m.kr. að nafnvirði í hvern flokk í OMX Norrænu kauphöllinni á Íslandi.
- Aðalmiðlari skuldbindur sig til þess að halda verðmun kaup- og sölutilboða innan tiltekinna marka sem nánar eru skilgreind í samningunum.
- Aðalmiðlara er skylt að endurnýja tilboð sín innan 10 mínútna frá því að þeim hefur verið tekið. Ef aðalmiðlari á viðskipti á einum viðskiptadegi fyrir 600 m.kr. að nafnvirði í tilteknum flokki er honum heimilt að víkja út frá hámarksmun kaup- og sölutilboða þann dag.
- Samningurinn gildir frá 1. júní 2009 til 31. maí 2010.

Meðfylgjandi er sýnishorn af samningi þar sem fram koma ýtarlegri upplýsingar um réttindi og skyldur aðalmiðlara ríkisverðbréfa.